

# Tabelat e Burim-Përdorimeve dhe Input-Output 2020\*

**Tiranë, 27 Shtator, 2023:** INSTAT publikon tabelat e konsoliduara të Burim-Përdorimeve (TBP), për vitin 2020, të cilat ofrojnë një pamje të detajuar të ekonomisë. Ato janë një instrument i rëndësishëm në analizën dhe krijimin e modeleve statistikore. Këto tabela përshkruajnë burimet dhe përdorimet e produkteve, si dhe lidhjet ndërdegësore në ekonomi.

Burimet dhe Përdorimet gjithsej me çmime korrente në vitin 2020, u vlerësuan 3,362,658 milion lekë, duke shënuar një rënie në terma nominalë, prej 7,0 %, krahasuar me vitin 2019.

Prodhimi përfaqëson 75,8 % të burimeve gjithsej me çmime korrente, ku të mirat materiale zënë 49,7 %, ndërsa shërbimet 50,3 %. Importi përfaqëson 18,2 % të burimeve gjithsej, ku të mirat materiale të importuara përbëjnë 75,6 %, ndërsa shërbimet 24,4 %.

Konsumi ndërmjetës përfaqëson 32,8 % të përdorimeve gjithsej me çmime korrente, ku të mirat materiale zënë 73.5 % ndërsa shërbimet 26,5 %. Kërkesa finale përfaqëson 67,2 % të përdorimeve gjithsej, ku kërkesa për të mira materiale zë 63,7 % dhe për shërbime 36,3 %.

**Tab. 1 Tabela e Burimeve dhe Përdorimeve me çmime korrente për vitin 2020, në milion lekë**

Aktivite (NVE)	Të mira materiale	Shërbime	Prodhimi gjithsej sipas produkteve	Importet (CIF)	MTT*	Burime gjithsej	Të mira materiale	Shërbime	Konsumi ndërmjetës sipas produkteve	Kërkesa Finale	Përdorime gjithsej
Produkte (NP)	1	2	3=1+2	4	5	6=3+4+5	7	8	9=7+8	10	11=9+10
<b>Të mira materiale [01-43]</b>	1.241.744	25.339	1.267.083	462.781	519.548	2.249.412	562.455	248.541	810.996	1.438.415	2.249.412
<b>Shërbime [45-98]</b>	48.547	1.231.878	1.280.425	149.601	(316.781)	1.113.246	79.740	212.181	291.921	821.325	1.113.246
<b>Gjithsej</b>	1.290.291	1.257.218	2.547.508	612.382	202.767	3.362.658	642.195	460.722	1.102.918	2.259.740	3.362.658
<b>Vlera e shtuar</b>							648.095	796.495	1.444.591		

\* Marzhet e tregtisë, transportit dhe taksat neto mbi produktet

## Tabela e Burimeve

Kjo tabelë ofron një vlerësim për burimet e të mirave materiale dhe shërbimeve të prodhuara në vend dhe atyre të importuara. Sipas rreshtave paraqiten burimet e produkteve, ndërsa sipas kolonave aktivitetet ekonomike që i prodhojnë këto produkte. Klasifikimi i çdo njësie ekonomike bazohet në produktin që zë pjesën më të madhe të prodhimit të saj.

**Për publikim 27/09/2023**

\*Të dhënat e këtij publikimi i referohen vitit 2020 i cili ka qënë vit pandemie

**Tab. 2 Tabela e Burimeve me çmime bazë dhe transformimi me çmime korrente, në milion lekë**

Aktivite (NVE) *	A	B-E	F	G-I	J	K	L	M-N	O-Q	R-U	Prodhimi sipas produkteve	Importet (CIF)	MTTT**	Burimet gjithsej
Produkte (NP) *	Prodhimi sipas aktiviteve (NVE), me çmime bazë													
A	340.163	160	-	62	-	-	-	-	-	-	340.385	24.587	81.091	446.063
B-E	100.008	386.286	50.220	4.459	2.477	-	-	992	227	1.396	546.064	437.589	428.054	1.411.707
F	-	3.291	361.617	2.080	10.441	-	-	226	-	2.979	380.634	604	10.403	391.641
G-I	362	24.856	19.864	431.103	1.132	-	1.044	1.596	321	2.013	482.291	69.045	(327.042)	224.294
J	-	250	392	54	100.822	-	-	181	68	2	101.768	15.458	4.414	121.639
K	-	-	-	9	-	61.506	-	1.915	-	-	63.429	4.029	414	67.872
L	-	87	1.071	212	-	-	119.315	161	-	-	120.846	-	260	121.105
M-N	-	200	1.063	471	1.440	-	385	170.269	1.848	494	176.170	31.050	3.825	211.046
O-Q	-	106	15	89	-	-	-	5.870	268.168	2.027	276.276	12.245	201	288.722
R-U	-	95	187	505	2.108	-	-	1.679	291	54.779	59.645	17.776	1.148	78.569
<b>Prodhimi sipas aktiviteve</b>	<b>440.533</b>	<b>415.331</b>	<b>434.428</b>	<b>439.044</b>	<b>118.421</b>	<b>61.506</b>	<b>120.744</b>	<b>182.890</b>	<b>270.923</b>	<b>63.690</b>	<b>2.547.508</b>	<b>612.382</b>	<b>202.767</b>	<b>3.362.658</b>


\* Grupimi i aktiviteve dhe produkteve bazuar në Nomenklaturën e Veprimtarive Ekonomike (NVE Rev.2) dhe Nomenklaturën e Produkteve (NP 2008)

\*\* Marzhet e tregtisë, transportit dhe taksat neto mbi produktet

Komponentët e tabelës së burimeve për vitin 2020, krahasuar me vitin 2019, shfaqen si më poshtë:


- Prodhimi vendas, i cili përbën peshën kryesore të tabelës së burimeve ka shënuar rënie me 3,6%;
- Importet e të mirave materiale dhe shërbimeve kanë shënuar rënie me 19,5%;
- Taksat neto mbi produktet kanë shënuar rënie me 4,8%.

**Fig. 1 Struktura e Burimeve, në %**



Përsa i përket strukturës së tabelës së burimeve sipas origjinës (Fig.2) me çmime bazë, prodhimi vendas zë 75,8 % të burimeve, ndërsa importet zënë 18,2 %. Depërtimi më i madh i të mirave materiale dhe shërbimeve të importuara vërehet tek produktet Industriale me 44,5 %.

**Fig. 2 Struktura e Burimeve me çmime bazë, sipas origjinës së produkteve, në %**



Në vitin 2020, peshën më të madhe në strukturën e prodhimit me çmime bazë e zënë produktet e Industrisë me 21,4 %; Tregtia, transporti, akomodimi e shërbimi ushqimor, me 18,9 % dhe Ndërtimi me 14,9 %. Në strukturën e produkteve të importuara, peshën më të madhe e zënë produktet e Industrisë me 71,5 %, ndjekur nga Tregtia, transporti, akomodimi e shërbimi ushqimor me 11,3 %.

**Tab.3 Struktura e Burimeve sipas origjinës së produkteve, 2020**

Produktet (NP)		Prodhimi		Importe	
		mln	%	mln	%
A	Bujqësia, pyjet dhe peshkimi [1-3]	340.385	13,4	24.587	4,0
B-E	Industria gjithsej [5-39]	546.064	21,4	437.589	71,5
F	Ndërtimi [41-43]	380.634	14,9	604	0,1
G-I	Tregtia, Transporti, Akomodimi dhe shërbimit ushqimor [45-56]	482.291	18,9	69.045	11,3
J	Informacioni dhe komunikacioni [58-63]	101.768	4,0	15.458	2,5
K	Shërbime financiare dhe të sigurimit [64-66]	63.429	2,5	4.029	0,7
L	Shërbime të pasurive të paluajtshme [68]	120.846	4,7	-	-
M-N	Shërbime shkencore, Profesionale, Administrative, Mbështetëse [69-82]	176.170	6,9	31.050	5,1
O-Q	Administrata publike, Arsimi, Shëndetësia, Aktivitete të punës sociale [84-88]	276.276	10,8	12.245	2,0
R-U	Arte, Argëtim dhe çlodhje, Aktivitete të tjera shërbimi [90-98]	59.645	2,3	17.776	2,9
Burimet gjithsej me çmime bazë		2,547,508	100	612,382	100

**Tabela e Përdorimeve**

Në tabelën e përdorimeve paraqiten drejtimet kryesore të përdorimit të burimeve në ekonominë e vendit. Ato paraqiten në formën e përdorimit si: *Konsum Ndërmjetës, Konsum Final i Familjeve, Konsum Final i Administratës Publike, Formim Bruto i Kapitalit dhe Eksporte*. Kjo tabelë paraqet në kolona strukturën e inputeve për çdo degë të aktivitetit ekonomik dhe në rreshta përdorimin e të mirave materiale dhe shërbimeve të disponueshme.

Komponentët e tabelës së Përdorimeve për vitin 2020, krahasuar me vitin 2019 shfaqen si më poshtë:

- Konsumi final, i cili përbën peshën kryesore të shpenzimeve në ekonomi ka shënuar rënie me -1,8 %;
- Konsumi Ndërmjetës ka shënuar rënie me -5,2 %;
- Komponenti i Formimit bruto të kapitalit fiks ka shënuar rënie me -2,4 %;
- Eksportet e të mirave materiale dhe shërbimeve kanë shënuar rënie me -29,5 %.

**Tab.4 Tabela e Përdorimeve me çmime korrente, në milion lekë**

Aktivite (NVE)	A	B-E	F	G-I	J	K	L	M-N	O-Q	R-U	KN* sipas produkteve	SHKF**	FBKF* **	Eksporte(F OB)	Përdori meme çmime korrente
Produkte (NP)	Konsumi ndërmjetës i industrive (NVE)										P3_S13-14	P51-52	P6		
A	85.133	11.363	1.073	8.497	61	12	118	481	296	109	107.143	325.557	(5.375)	18.738	446.063
B-E	35.280	177.966	184.806	84.657	36.664	2.991	2.335	38.543	37.326	8.166	608.732	581.563	85.595	135.817	1.411.707
F	352	6.948	59.536	5.135	2.437	3	8.257	4.832	6.999	622	95.121	3.450	292.485	586	391.641
G-I	1.610	9.965	3.616	26.074	4.987	1.575	139	7.121	5.916	3.129	64.131	89.174	-	70.988	224.294
J	9	4.614	857	2.807	13.064	4.886	343	4.373	5.155	2.453	38.561	44.040	5.175	33.863	121.639
K	286	7.252	4.631	13.440	852	4.933	8.956	1.113	2.260	3.433	47.156	16.724	-	3.992	67.872
L	57	3.409	1.247	3.133	1.041	1.584	91	2.882	403	1.179	15.026	106.079	-	-	121.105
M-N	1.084	8.868	31.306	24.762	9.218	10.594	750	17.377	2.419	5.905	112.283	13.619	42	85.101	211.046
O-Q	-	193	280	379	137	655	4	916	2.796	912	6.272	272.828	-	9.622	288.722
R-U	0	421	34	2.606	83	53	3	8	5.091	193	8.493	55.512	-	14.564	78.569
KN sipas aktiviteve	123.811	230.998	287.386	171.489	68.544	27.285	20.995	77.647	68.661	26.101	1.102.918	1.508.546	377.923	373.272	3.362.658
Vlera e Shtuar	316.722	184.332	147.041	267.555	49.877	34.220	99.749	105.243	202.262	37.589	1.444.591				


\* Konsumi ndërmjetës

\*\*Konsumi Final i Familjeve dhe Administratës Publike

\*\*\* Formimi Bruto i Kapitalit Fiks dhe Ndryshimi i Gjendjeve


Gjatë vitit 2020, struktura e tabelës së përdorimit të të mirave materiale dhe shërbimeve të disponueshme nga përdoruesit brenda dhe jashtë territorit të vendit (Fig.3), paraqitet e tillë: 32,8 % është përdorur për konsum ndërmjetës në proceset e prodhimit; 44,9 % është përdorur për konsum final nga familjet dhe administrata publike; 11,2 % është përdorur për formim bruto të kapitalit dhe 11,1 % është eksportuar.

**Fig. 3 Struktura e Tabelës së Përdorimeve, në %**



Në tabelën e përdorimeve (Fig.4), të mirat materiale përfaqësojnë 66,9 % të përdorimeve gjithsej, ndërsa shërbimet 33,1 %. Përdorimi i të mirave materiale zë peshën kryesore në formimin bruto të kapitalit me 98,6% dhe në konsumin ndërmjetës me 73,5 %.

**Fig.4 Struktura e Përdorimeve sipas komponentëve, në %**



Në vitin 2020, peshën më të madhe në strukturën e përdorimeve të brendëshme me çmime tregu (ku përfshihet konsumi ndërmjetës, konsum final i familjeve dhe administratës publike, formim bruto të kapitalit fiks dhe

ndryshim gjendje), e zënë produktet e *Industrisë* me 42,7 %, pasuar nga *Bujqësia, pyjet dhe peshkimi* me 14,3 % dhe *Ndërtimi* me 13,1 %.

Në strukturën e produkteve të eksportuara (Tab.5), peshën më të madhe e zënë produktet e *Industrisë* me 36,4 %, ndjekur nga *Shërbime shkencore, Profesionale , Administrative, Mbështetëse* 22,8 %.

**Tab.5 Struktura e Përdorimeve sipas destinacionit**

Produktet (NP)		Përdorim i brëndshëm		Eksport	
		mln	%	mln	%
A	Bujqësia, pyjet dhe peshkimi [1-3]	427.325	14,3	18.738	5,0
B-E	Industria gjithsej [5-39]	1.275.890	42,7	135.817	36,4
F	Ndërtimi [41-43]	391.056	13,1	586	0,2
G-I	Tregtia, Transporti, Akomodimi dhe shërbimit ushqimor [45-56]	153.305	5,1	70.988	19,0
J	Informacioni dhe komunikacioni [58-63]	87.776	2,9	33.863	9,1
K	Shërbime financiare dhe të sigurimit [64-66]	63.880	2,1	3.992	1,1
L	Shërbime të pasurive të paluajtshme [68]	121.105	4,1	-	-
M-N	Shërbime shkencore, Profesionale, Administrative, Mbështetëse [69-82]	125.944	4,2	85.101	22,8
O-Q	Administrata publike, Arsimit, Shëndetësia, Aktivitete të punës sociale [84-88]	279.100	9,3	9.622	2,6
R-U	Arte, Argëtim dhe çlodhje, Aktivitete të tjera shërbimi [90-98]	64.005	2,1	14.564	3,9
Burimet gjithsej me çmime bazë		2.989.386	100,0	373.272	100,0

**Tabela Input – Output**

Tabelat e konsoliduara të TBP-ve janë baza prej të cilave derivohen tabelat simetrike Input-Output (TIO). Mbështetur në supozimin e teknologjisë fikse dhe strukturës fikse të shitjeve përftojmë tabelat produkt x produkt ose industri x industri. Për vitin 2020 ndërtimi i tabelave IO është mbështetur mbi supozimin e strukturës së shitjeve fikse për produktin, ku secili produkt ka strukturën e vetë të shitjeve pavarësisht nga industria në të cilën prodhohen. Në tabelën e mëposhtme (Tab.6), është paraqitur tabela e Input-Outputit industri x industri për vitin 2020, me çmime bazë.

**Tab. 6 Tabela Input – Output 2020, në milion lekë**

Industri (NVE)	Bujqësi	Industri	Shërbime	Konsumi Ndërmjetës me çmime bazë	KF**	Përdorime gjithsej me çmime bazë
Industri (NVE)	1	2	3	4=1+2+3	5	6
Bujqësi	74.287	15.771	18.665	108.723	356.398	465.120
Industri	20.800	316.057	158.841	495.698	792.253	1.287.951
Shërbimet	22.539	144.994	241.798	409.331	997.488	1.406.819
Konsumi Ndërmjetës me çmime bazë	117.625	476.822	419.304	1.013.751	2.146.139	3.159.890
Vlera e Shtuar me çmime bazë	316.722	331.373	796.495	1.444.591		
Prodhimi me çmime bazë	440.533	849.758	1.257.218	2.547.508		
Importet (CIF)	24.587	438.193	149.601	612.382		
Burimet gjithsej me çmime bazë	465.120	1.287.951	1.406.819	3.159.890		

\*\*Konsumi Final

# Metodologjia

## Metodologji dhe klasifikime

Llogaritjet e TBP-ve mbështeten metodologjikisht në konceptet bazë të Sistemit Evropian të Llogarive (ESA 2010) dhe të Sistemit të Llogarive Kombëtare (SNA 2008) të Organizatës së Kombeve të Bashkuara (OKB). Ndërtimi i TBP-ve kërkon një numër i madh të dhënash në një nivel shumë të detajuar. Për më tepër lidhur me metodologjinë e përpilimit të TBP, referojuni linkut më poshtë:

<http://www.instat.gov.al/al/publications/librat/2015/tabela-e-burim-p%C3%ABrdorimeve,-2009-2011.aspx>

[http://www.instat.gov.al/media/333404/part\\_d-sut\\_compilation\\_albania.pdf](http://www.instat.gov.al/media/333404/part_d-sut_compilation_albania.pdf)

Klasifikimet e përdorura në Llogaritë Kombëtare janë: Nomenklatura e veprimtarive ekonomike (NVE Rev,2); Nomenklatura e produkteve (NP 2008); Klasifikimi i konsumit individual sipas përdorimit (COICOP); Klasifikimi i shpenzimeve të qeverisë sipas funksionit (COFOG).

## Burimet e të dhënave

Për vlerësimet e TBP-ve përdoret informacioni i siguruar nga burime të ndryshme statistikore dhe administrative. Të dhënat e përdorura mund të jenë prodhim statistikor i vetë INSTAT ose i institucioneve të ndryshme kombëtare si Ministritë, Drejtoritë e Përgjithshme të Tatimeve dhe Doganave, Qendra Kombëtare e Regjistrimit, Banka e Shqipërisë, Autoriteti i Mbikëqyrjes Financiare, Agjencia Kombëtare e Burimeve Natyrore etj. Duke krahasuar këto burime me njëra-tjetrën, arrihet të prodhohet një pamje e vetme e ekonomisë, e cila është gjithëpërfshirëse, koherente dhe tërësisht e integruar.

Burimet statistikore përfshijnë të dhënat e siguruar nga regjistrime dhe anketa të ndryshme mbi njësitë ekonomike ose familjet, ndër të cilat mund të përmendim: Regjistri i Ndërmarrjeve; Anketa Strukturore pranë Ndërmarrjeve; Anketa e Tregtisë me Pakicë; Anketa e Buxhetit të Familjeve; Anketa të Statistikave të Çmimeve, Statistika të bujqësisë dhe mjedisit, etj.

Burimet administrative përfshijnë të dhëna administrative të mbledhura nga institucione të tjera për qëllime të ndryshme, ndër të cilat mund të përmendim: Pasqyrat financiare vjetore; Tatimi mbi vlerën e shtuar (TVSH); Bilanci i Pagesave; Statistika fiskale të administratës publike; Statistika të tregtisë së jashtme; Libri i shitjeve dhe i blerjeve etj.

## Procesi i Balancimit

Procesi i balancimit është një proces shumë i rëndësishëm në tabelat e burim – përdorimeve. Pasi është bërë një përpunim i detajuar për secilin komponent duhet që gjithë burimet e një vendi të shkojnë si përdorime nga ana

tjetër, Në shumicën e rasteve, kjo mund të mos arrihet që në hapin e parë të përdorimit të informacionit, për këtë arsye analiza zhvillohet mbi çdo produkt në këtë sistem.

Përpara se të shikohet mospërputhja në nivel produkti, analizohet mospërputhja statistikore që ekziston ndërmjet metodave të ndryshme të vlerësimit të PBB-së. Në sistemin e tabelave të burim-përdorimeve kjo mospërputhje statistikore eliminohet, si rrjedhim kërkohet që të arrihet ky balancim makroekonomik.

Në rastet kur diferenca ndërmjet burimeve dhe përdorimeve është më e vogël se 5,0 %, përdoret një balancim automatik i mbështetur mbi shpërndarjen në formë raporti të diferencës ekzistuese. Kur kjo diferencë është ndërmjet 5% dhe 10%, mund të mbështetemi mbi një analizë dhe balancim manual të diferencave. Në rastet kur kjo diferencë është më e madhe se 10 %, atëherë jemi në një situatë, e cila kërkon trajtim në burimin bazë të informacionit. Në këto raste mund të jetë e nevojshme që komponentë të ndryshëm të burimeve apo përdorimeve të kërkojnë një rivlerësim, i cili do të sillte një cikël rrethor të vlerësimeve. Ky cikël do të vazhdojë derisa të gjitha diferencat të jenë brenda intervaleve të pranueshme duke na mundësuar një konsistencë të plotë të vlerësimeve të PBB-së me metoda të ndryshme.

### **Përkufizime**

**Tabelat e Burimeve dhe Përdorimeve me çmime korrente:** Sistemi i TBP-ve me çmime korrente në Shqipëri është i ndërtuar në nivel produktesh dhe aktiviteteve që korrespondojnë me NVE Rev, 2 dy shifrore. Analizat janë zhvilluar në nivel produkti sipas klasifikimit NP 2008 2, 4 dhe 6 shifrore, duke mundësuar në këtë mënyrë një pamje të qartë të qarkullimit të produktit në ekonomi. Për ndërtimin e TBP-ve në Shqipëri janë kryer një sërë analizash dhe studimesh për të mundësuar një përdorim sa më eficient të burimeve administrative dhe statistikore. Fokus i veçantë i është vënë kryesisht nivelit të detajimit të të dhënave për të kaluar në një detajim sa më të madh të mundshëm.

**Prodhimi:** Aktivitetet e ushtruar nën kontrollin dhe përgjegjësinë e një njësie institucionale që kombinon burimet në fuqi punëtore, kapital dhe produkte të shërbimeve për të prodhuar produkte ose kryer shërbime. Proceset e pastra natyrore pa ndërhyrjen ose kontrollin e njeriut nuk bëjnë pjesë në prodhim.

**Konsumi ndërmjetës:** Vlera e produkteve ose shërbimeve të transformuara ose plotësisht të konsumuara gjatë procesit të prodhimit. Përdorimi i aktiveve fikse të vëna në punë nuk merret parasysh; ai evidentohet në konsumin e kapitalit fiks.

**Taksat mbi produktet dhe importin:** Taksat mbi produkte janë taksat e pagueshme për njësi të disa mallrave dhe shërbimeve si Taksa mbi Vlerën e Shtuar (TVSH), akciza, taksa doganore mbi importet.

**Subvencione në produkte:** Subvencionet në produkte janë pagesat e pakthyeshme që njësitë e administratës publike bëjnë tek ndërmarrjet si një shumë e caktuar parash për njësi të një malli ose shërbimi. Subvencionet në importe konsistojnë në subvencionimin e mallrave ose shërbimeve që bëhen të pagueshme kur malli kapërcen kufirin e territorit ekonomik ose kur shërbimet i janë kaluar njësiteve institucionale rezidente.



**Konsumi Final:** Konsumi Final është një nga komponentët kryesorë të PBB, Ky konsiston në mallrat dhe shërbimet e përdorura nga familjet individuale ose komunitetet dhe llogaritet si shumë e konsumit final të familjeve, konsumit final të administratës publike dhe konsumit final të Institucioneve Jo Fitimprurëse që i Shërbejnë Familjeve (IJFSHs).

**Konsumi final i familjeve:** Llogarit të gjitha mallrat dhe shërbimet që përdoren direkt për të plotësuar kërkesat individuale të familjeve rezidente.

**Konsumi final i administratës publike dhe Institucioneve jo fitim prurëse:** Përmban vlerën e shërbimeve jotregtare të kryera nga administrata publike dhe nga institucionet jofitimprurëse në përfitim të komuniteteve ose grupe familjesh. Kjo llogaritet si diferencë midis prodhimit të administratës publike dhe IJFSHs dhe vlerës së prodhimit tregtar.

**Eksporti neto:** Eksporti neto llogaritet si diferencë midis eksportit të mallrave dhe shërbimeve (fob) dhe importit të mallrave dhe shërbimeve (fob).

**Importi i të mirave materiale dhe shërbimeve** konsiston në vlerën e transaksioneve në të mira materiale dhe shërbime të rezidentëve me jo-rezidentët.

**Formimi Bruto i Kapitalit Fiks:** Konsiston në shpenzimet e kryera për kapitale të reja ose për shpenzime të tjera specifike kryer nga prodhuesit në sende ose shërbime me qëllim që të mbajnë, rritin ose zgjerojnë kapacitetin e tyre prodhues ose që të krijojnë kushte të reja përpunimi në të ardhmen.

**Ndryshimi i gjendjeve:** Përcaktohet si diferencë midis gjendjeve të inventarit dhe në proces të aktiveve qarkulluese në fund dhe në fillim të vitit, Gjendjet përfshijnë: materiale të para dhe materiale të tjera; prodhime, punime shërbime në proces; produkte të gatshme e gjysmë të gatshme, mallra, kafshë, etj.

**Marzhi Tregtar** përcaktohet si diferencë midis çmimit aktual ose të imputuar të një produkti të blerë për rishitje, dhe çmimit që do të paguhej për zëvendësimin e produktit në momentin e shitjes.

**Marzhi i Transportit** përfshin koston e transportit të paguar më vete nga blerësi të përfshira në përdorimet me çmime të blerësit, por jo në prodhimin e prodhuesit me çmime bazë apo në marzhin tregtar.

**Çmime bazë:** Shuma që prodhuesi merr nga blerësi për njësi të produktit apo shërbimit të prodhuar, pa tatimet dhe subvencionet mbi produktin, Çmimi bazë përfshijë shpenzimet e transportit të faturuara më vete.

**Çmimet e tregut:** janë çmimet pasi shtohen taksat mbi produktet minus subvencionet mbi produktet.

**Çmime korrente:** Çmimet e periudhës referuese, Ato përfaqësojnë çmimin e paguar për të mirat materiale dhe shërbimet në kohën e prodhimit ose të konsumit.